



REPUBLIKA E KOSOVËS/REPUBLIKA KOSOVA

GJYKATA THEMELORE PRIZREN

---

Numri i lëndës: 2019:113648

Datë: 20.03.2024

Numri i dokumentit: 05477238

**C.nr.797/2019**

**GJYKATA THEMELORE NË PRIZREN – Departamenti i Përgjithshëm**, gjyqtari Taulant Rexhëbeqaj, me bashkëpunëtorin profesional L.K. në çështjen juridike kontestimore të paditëses H.A. me numër personal ..... nga Prizreni, me vendbanim në Zvicër, të cilën me autorizim e përfaqëson av. M.Q. nga Prizreni, kundër të paditurit H.S. me numër personal ..... nga Prizreni, të cilin me autorizim e përfaqëson av. S.M. nga Prizreni objekt kontesti: pasurimi i pa bazë, jashtë seance, me datën **20.03.2024**, mori këtë:

**A K T V E N D I M**

- I. KONSTATOHET e tërhequr** padia e paditëses H.A. kundër të paditurit H.S. me shenjën C.nr.797/2019, me objekt kontesti pasurim i pa bazë, në këtë çështje kontestimore.
- II. OBLIGOHET** paditësja H.A. nga Prizreni, që të paditurit H.S. nga Prizreni, t'ia paguaj shpenzimet e procedurës në shumë të përgjithshme prej 910.00 euro, në afat prej 15 ditësh pas plotfuqishmërisë të këtij aktvendimi, nën kërcënim të përmbarimit me dhunë.

**A r s y e t i m**

Pranë kësaj gjykate paditësja H.A. nga Prizreni, nëpërmjet të autorizuarit të saj av. M.Q. nga Prizreni më datë 28.05.2019 ka parashtruar padinë kundër të paditurit H.S. nga Prizreni, për shkak të pasurimit të pa bazë.

Lidhur me këtë çështje juridike kontestimore, gjatë shqyrtimit kryesor të mbajtur me datë 18.03.2024, i autorizuari i paditëses pas deklarimeve të paditëses, deklaroi se meqenëse paditësja po tërhiqet nga kërkesa për kthimin e mjeteve prej 37.500 euro, atëherë kjo çështje ngel pa objekt shqyrtimi andaj tërhiqemi nga padia.

Duke vepruar sipas kërkesës së paditëses H.A. të parashtruar përmes të autorizuarit të saj, për tërheqjen e padisë, gjykata e ka konstatuar të tërhequr padinë e paditëses H.A. duke u bazuar në neni 261 par. 2 të LPK-së, është përcaktuar që *“Padia mund të tërhiqet edhe më vonë, deri në përfundimin e shqyrtimit kryesor, në qoftë se i padituri e jep pëlqimin për një gjë të tillë”*. I autorizuari i të paditurit gjatë shqyrtimit kryesor e ka dhënë pëlqimin për tërheqjen e padisë, por i ka kërkuar shpenzimet gjyqësore, dhe atë për tri seanca të mbajtura, për secilën seancë nga 270.00 euro dhe për përgjigje në padi shumën prej 100.00 euro, apo në shumën e përgjithshme prej 910.00 euro.

Gjykata lidhur me shpenzimet e procedurës vendosi si në pikën II të dispozitivit të këtij aktvendimi duke u bazuar në nenin 456 par.1 të LPK-së ku është përcaktuar se *“Paditësi që e tërheqë padinë ka për detyrë që të paditurit t’ia shpërblej shpenzimet procedurale përveçse kur tërheqjen e padisë e ka bërë menjëherë pas përmbushjes së detyrimit nga ana e të paditurit”*, lidhur me nenin 463 par.1 të LPK-së, ku përcakton se *“Për pagimin e shpenzimeve procedurale gjykata vendosë vetëm me kërkesën e specifikuar të palës, pa bërë asnjë shqyrtim verbalishtë lidhur me kërkesën.”*, ndërsa me paragrafin 4 të njëjtit nen parashihet që *“Për kërkesën e palës për pagimin e shpenzimeve të procedurës, gjykata do të vendos në aktgjykimin ose aktvendimin me të cilin përfundon procedura përpara kësaj gjykate”* dhe atë për përpilimin e përgjigjes në padi në shumë prej 100.00 euro, për tri seanca nga 270.00 euro për secilën seance veç e veç, (270x3=810.00) euro, e në shumë të përgjithshme prej 910.00 euro .

Duke u bazuar në të dhënat e lartcekura, gjykata në kuptim të nenit 261 par. 2 të LPK-së vendosi si në pikën I të dispozitivit të këtij aktvendimi dhe në kuptim të nenit 456 par. 1 dhe 463 par.1 të LPK-së, vendosi si në pikën II të dispozitivit të këtij aktvendimi.

**GJYKATA THEMELORE NË PRIZREN,**  
**Departamenti i Përgjithshëm**  
**C.nr.797/2019, datë 20.03.2024**

**Gjyqtari**

---

**Taulant Rexhëbeqaj**

**KËSHILLA JURIDIK:** Kundër pikës I të këtij aktvendimi nuk është e lejuar ankesa në kuptim të nenit 261.4 të LPK-së, ndërsa kundër pikës II të këtij aktvendimi lejohet ankesa në afat prej 15 ditëve pas marrjes së të njëjtit, Gjykatës së Apelit në Prishtinë, nëpërmjet kësaj gjykate.